



Tawbah-Kutaa 6ffaa

Description

Mijdhaa Tawbah tursiisuu

Namni badii erga hojjatee dafee badii isaa amanuun tawbatu, dhugumatti adabbii jalaa baha. Garuu gara fuunduraatti tawbah kan dabarsu yoo taâ€™ee, rakkoo baayâ€™eef of saaxila. Namoota meeqatu badii keessatti taranii yommuu adabbiin isaanitti buâ€™uu tawbachuu barbaadan. Garuu yeroon waan irra darbeef carraa tawbatanii adabbii jalaa itti bahan ni dhaban. Namni yeroon yoo hin tawbatin, duâ€™aan ykn Qiyaamaan dhooyun carraa tawba dhaba. Ergasii gaabbi cimaa gaabba. Namni badii hojjataa turee yommuu duuti itti dhufu dhugaan waan isatti mulâ€™atuuf tawbachuu barbaada. Kanaafi Qurâ€™aana keessatti akkana jedha:

﴿حَتَّىٰ إِذَا جَاءَ أَحَدَهُمُ الْمَوْتُ قَالَ رَبِّ أُرْجِعُونَ ﴾٦١﴿ لَعَلَّيٌ أَعْمَلُ صَلِحًا فِيمَا تَرَكْتُ ۚ كَلَّا إِنَّهَا كَلِمَةٌ هُوَ قَائِلُهَا ۖ وَمِنْ وَرَائِهِمْ بَرَزَخٌ إِلَى يَوْمٍ يُبَعَثُونَ ﴾٦٢﴾

Yeroo tokkoon isaaniitti duuti dhuftu ni jedha, Gooftaa kiyya! Na deebisi. Waaniin dhiise keessatti hojii gaarii hojjachuun kajeela. Lakki! Ishiin kuni jecha inni jedhu qofa. Hanga guyyaa kaafamaniitti isaan duuba barzakha (cufaatu) jira. Suuratu Al-Muâ€™minuun 23:99-100

Kana jechuun nama daangaa darbee fi Rabbiif ajajamuu dide yommuu duuti isatti/ishitti dhuftu,akkana jedha,â€œYaa Rabbii kiyya! gara addunyaa na deebisi. Hojii gaggaarii duraan hojjachuu dhiise hojjadhaati.â€ Rabbiinis ni jedha, â€œLakki!â€ Kana jechuun gara addunyaa deebiâ€^Tuun hin jiru. Jechi inni â€œRabbii kiyya na deebisiâ€ jedhu kuni, jecha inni arrabaan jedhu qofa, faayda homaatu hin qabdu. Gaabbi fi gadda malee homaa hin dabaltuuf.

Tawbah tursiisuu addunyaa tana keessattis akka salphatan nama taasisa. Namni badii hojjachuu yommuu itti fufu, keessa fi alaan salphinni itti dhagahama. Keessa isaatti salphinni waan itti dhagahamuuf kabajaa fi tasgabbiin ummata keessa deemun itti ulfaata. Akkasumas, namoonni ija jibbaati

fi tuffitiin isa ilaalu. Namni yommuu keessa isaatti salphinni itti dhagahamee fi namoonni yoo isa jibbanii fi tufatan hangam akka miidhamu itti haa yaadu. Kanarratti dabalatee osoo hin tawbatin yoo duâ€™e adabbii cimatu isa eeggata. Karaan salphinna, jibba, tuffii fi adabbii ofirraa itti deebisan tawbaadha. Kanaafi, Rabbiin subhaanahu wa taâ€™aalaaakkana jechuun gabroottan nafsee ofii irratti daangaa darban tawbatti waama:

لَيَعِبَادِي الَّذِينَ أَسْرَفُوا عَلَىٰ أَنفُسِهِمْ لَا تَقْنَطُوا مِنْ رَّحْمَةِ اللَّهِ إِنَّ اللَّهَ يَعْلَمُ الْأُذُنُوبَ جَمِيعًا إِنَّهُ وَهُوَ الْغَفُورُ الرَّحِيمُ ﴿٥٣﴾ وَأَنِيبُوا إِلَيْ رَبِّكُمْ وَأَسْلِمُوا لَهُ وَلَا يَأْتِيَكُمْ عَذَابٌ ثُمَّ لَا تُنَصَّرُونَ ﴿٥٤﴾ وَاتَّبِعُوا أَحْسَنَ مَا أُنْزِلَ إِلَيْكُمْ قَبْلِ أَنْ يَأْتِيَكُمْ عَذَابٌ بَغْتَةً وَأَنْتُمْ لَا تَشْعُرُونَ ﴿٥٥﴾

â€œJedhi,â€• Yaa gabroottan kiyya kan lubbuu ofii irratti daangaa dabartan! Rahmata Rabbii irraa abdii hin muratinaa. Dhugumatti Rabbiin balleessaa hundaa ni araaramaa. Inni Araaramaa, Rahmata godhaadha. Gara Rabbii keessanii deebiâ€™aa, Isaafis ajajamaa odoo adabbiin isinitti hin dhufiniin duratti. Sana booda hin tumsamtanu. Adabbiin tasa osoo isin hin beekin isinitti dhufuuun dura irra gaarii waan Gooftaa keessan irraa gara keessanitti buâ€™e hordofaa.â€ Suuratu Az-Zumar 39:53-55

Yaa namoota badii lubbuun ittii nama waamtu hojjachuu fi Rabbii waa hundaa beeku dallansuun, lubbuu ofii irratti daangaa dabartan! Namni yommuu badii hojjatu lubbuu ofii irratti daangaa darba. Sababni isaas, sababa yakka ykn badii hojjatef adabbiif Rabbiitiif of saaxila. **Yaa gabroottan Kiyya badii hojjachuu lubbuu ofii irratti daangaa dabartan, Rahmata Rabbii irraa abdii hin muratinaa.** Kana jechuun rahmata Isaatiraa abdii kutachuun harka keessanii baditti of hin darbinaa. â€œBadiin keenya baayâ€™ate, aybiin keenya walirra tuulame, karaan ittiin ofirraa oofanii fi deebisaniin hin jiru.â€ Jechuun abdii hin kutinaa. Sababa kanaan badii irra turtu, wanta Rabbii keessan dallansu siinqi godhattu. Garuu Rabbii keessan maqaalee arjoominna Isaatti akeekaniin beekaa[1]. Dhugumatti Rabbiin nama tawbatee fi araaramaa Isa kadhateef balleessaa hundaa ni araaramaa. Kanaafu, araaramaa kadhaa, isiniif araaramati. Amanuu fi Isaaf ajajamuun gara Isaatti deebiâ€™aa, tawbaa keessan isin irraa qeebalaati. â€œDhugumatti Rabbiin balleessaa hundaa ni araaramaa.â€• Kana jechuun nama tawbatee fi araaramaa Isa kadhateef, balleessa ykn badii isaa hunda ni haguugaf[2]. Badii erga haguuge immoo irra darbaaf, hin adabu.

â€œGara Rabbii keessanii deebiâ€™aa, Isaafis ajajamaa odoo adabbiin isinitti hin dhufiniin duratti. Sana booda hin tumsamtanu.â€ Kana jechuun gara Rabbii keessanii kan iimaana irratti isin uumeetti deebiâ€™uun Isatti amanaa, Isa malee haqaan kan gabbaramu akka hin jirre labsuun Isaaf ajajamaa. Azaabni (adabbiin) Rabbii keessanii isinitti dhufuuun dura of dhaqqabaa. â€œSana booda hin tumsamtanuâ€• kana jechuun sababa badii keessanii adabbiin erga isinitti buâ€™ee booda, adabbi

kan isin irraa deebisuu fi isin gargaaru hin jiru. Kanaafu, â€œ**Adabbiin tasa osoo isin hin beekin isinitti dhufuun dura irra gaarii waan Gooftaa keessan irraa gara keessanitti buâ€™e hordofaaâ€** Kana jechuun erga amantanii fi Islaama labsitanii booda hojii gagaarii qalbii fi qaamaa Rabbiin itti ajajee hojjadhaa. Kan akka iklaasa, Isa sodaachu, salaata, sooma, sadaqaa fi kkf. Wanti Inni irraa dhoowwes dhiisaa. Kanneen akka kufrii, shirkii, zinaa fi kkf irraa fagaadhaa. Kunniin ajajamoota Rabbii keenya irraa gara keenyaatti buâ€™aniidha. Wanti Rabbiin subhaanahu wa taâ€™aalaa itti ajajuu wanta hundarra gaarii taâ€™eedha[3]. Namni wanta gagaarii itti ajajamee yoo hojjachuu didee fi wanta badaa dhoowwame irraa yoo of quachu dhiise, Guyyaa Qiyaamaa gaabbii cimaaf of saaxila:

﴿أَن تَقُولَ نَفْسٌ يَحْسِرَتِي عَلَى مَا فَرَطْتُ فِي جَنْبِ اللَّهِ وَإِن كُنْتُ مِنَ السَّخِرِينَ ﴾٥٦﴾ أَوْ تَقُولَ لَوْ أَنَّ اللَّهَ هَدَنِي لَكُنْتُ مِنَ الْمُتَّقِينَ ﴾٥٧﴾ أَوْ قُولَ حِينَ تَرَى الْعَذَابَ لَوْ أَنَّ لِي كَرَّةً فَأَكُونَ مِنَ الْمُحْسِنِينَ ﴾٥٨﴾ بَلْ مَدْ جَاءَتُكَ عَائِيَةً فَكَذَّبْتَ بِهَا وَأَسْتَكْبَرْتَ وَكُنْتَ مِنَ الْكَافِرِينَ ﴾٥٩﴾

Lubbuun [takka] â€œKaraa Rabbii keessatti wanta hanqiseef yaa gaabbi kiyya! Dhugumatti ani warra qishinan irraa ture.â€ akka hin jenneef (hordofaa).

Yookiin â€œOdoo Rabbiin na qajeelchee silaa warra Rabbiin sodaatan irraan taâ€™aa tureâ€ akka hin jenneef.

Yookiin â€œYeroo adaba Rabbii argite, carraan duniyatti deebiâ€™uu tokko odoo naaf taâ€™ee, silaa toltaa dalagdoota irraan taâ€™aa tureâ€ akka hin jenneef .

Lakki! Dhugumatti Aayaanni kiyya sitti dhufanii jiru. Ati isaan sobsiiftee, itti boontee kaafiroota irraa taate. â€œ Suuratu Az-Zumar 39:55-59

Guyyaan garmalee itti gaabban isaanitti dhufuun dura gaflaa fi badii keessa akka hin turre akkana jechuun isaan akeekachiise: Lubbuun takkaa â€œKaraa Rabbii keessatti wanta hanqiseef yaa gaabbi kiyya! Dhugumatti ani warra qishinan irraa ture.â€ Kana jechuun addunyaa irratti Qurâ€™aanatti, Nabiyyitti, Guyyaa Qiyaamaa kaafamutti fi warroota amananiitti baacaa fi qishnaa ture. Guyyaan Qiyaamaa namni hundi mindaa itti argatu hin jiru jechuun baacaa ture. **Yookiin â€œOdoo Rabbiin na qajeelchee silaa warra Rabbiin sodaatan irraan taâ€™aa tureâ€ akka hin jenneef.** Yookiin â€œYeroo adaba Rabbii argite, carraan duniyatti deebiâ€™uu tokko odoo naaf taâ€™ee, silaa toltaa dalagdoota irraan taâ€™aa tureâ€ akka hin jenneef, qajeelcha Rabbii keessanii hordofaa.

Guyyaa Qiyaamaa wanti nafseen kafartee fi ajaja Rabbitti buluu didde hawwitu hundi buâ€™aa akka hin buusne, Rabbiin Oltaâ€™aanakkana jechuun ibsa **Lakki! Dhugumatti aayaanni Kiyya sitti dhufanii jiru. Ati isaan sobsiiftee, itti boontee kaafiroota irraa taate.**â€¢ Kana jechuun mallattooleen, keeyyannii fi ragaaleen gara haqaa agarsiisanii fi Guyyaan Qiyaamaa jiraachu ifa godhan siif dhufanii jiru. Ati garuu kuni soba jechuun kijibsiifte. Ergamaa Rabbiin siif erge hordofuu irraa of tuultee kaafiroota irraa taate.

Kanaafu tawbah duubatti harkisuun miidhaa hangana hin jedhamne fida:

1ffaa-Namni dafee badii irraa yoo hin tawbatin, addunyaa tana keessatti yommuu adabbiin itti buâ€™u dhiphinnaa fi gadda cimaa keessatti kufa. Namoonni Rabbiin irraa fagaatan yommuu rakkoon isaanitti buâ€™u hangam akka gaddanii fi dhiphatan ilaalun ni dandaâ€™ama. Inuma hanga lubbuu ofii galaafachu gahu. Garuu namni badii irraa tawbachuun Rabbiif yoo ajajame, yeroo rakkoo Rabbiin tasgabbii qalbii isaa irratti buusa. Qurâ€™aana keessatti:

﴿إِنَّ الَّذِينَ ءَامَنُوا وَعَمِلُوا الصَّلَوةَ وَأَقَامُوا الصَّلَاةَ وَءَاتُوا الزَّكَوَةَ
لَهُمْ أَجْرٌ هُمْ عِنْدَ رَبِّهِمْ وَلَا خَوْفٌ عَلَيْهِمْ وَلَا هُمْ يَحْزَنُونَ﴾

â€œ**Dhugumatti, isaan amananii, hojii gaggaarii hojjatanii, salaata sirreessanii salaatanii fi zakaas kennan, mindaan isaanii Gooftaa isaanii biraatanaa isaanifi jira. Sodaan isaan irra hin jiru, isaan hin gaddanis.**â€¢ Suuratu Al-Baqarah 2:277

Namni yommuu rakkoon itti buutu wanta isa jala darbeef ni gadda, wanta dhufuuf ni sodaata. Garuu warroonni dhugaan Rabbii fi arkaana iimaana birootti amanan, hojii gaggaarii hojjatan, salaata sirnaan salaatanii fi zakaas kennan, wanta isaan jala darbeef garmalee hin gaddan. Wantaa dhufuufis hin sodaatan.

2ffaaâ€“ Yommuu duuti namatti dhuftu haqiqan (dhugaan) hundi ifa waan taâ€™uuf, namni hin tawbanne â€œYaa Rabbi! Hojii gaggaarii dalagadhaa gara addunyaa na deebisi.â€¢ Jechuun Rabbiitti warwaata. Garuu yeroon waan darbeef deebii hin argatu. Namni tawbatee yeroon of qopheesee immoo wanta isa gammachiisutu isa eeggata.


3ffaaâ€“ Namni hin tawbannee fi Rabbiisa uumeef hin ajajamne, Guyyaa Qiyaamaa yommuu adabbi cimaa arguu, gaabbii gonkumaa gaabbe hin beekne gaabba. Ergasii gara adabbi cimaatti oofama. Rabbiin subhaanahu wa taâ€™aalaa ni jedha:

وَمَنْ جَاءَ بِالسَّيِّئَةِ فَكُبَّتْ وُجُوهُهُمْ فِي النَّارِ هَلْ تُحْزِنُونَ إِلَّا مَا
كُنْتُمْ تَعْمَلُونَ

â€œ**Namni hamtuun dhufe, fuulli isaanii ibidda keessatti gonbifamtee, â€œSila waan dalagaa turtan malee mindefamtu?â€¢ [isaaniin jedhama].â€¢ Suuratu An-Naml 27:90**

Kana jechuun Guyyaa Qiyaamaa namoonni badii hojjatanii osoo hin tawbatin dhufan, fuula isaaniitiin ibiddatti darbamu. Badiin guddaan hunda caalu, kufrii fi shirkiidha. Itti aanse badii gurguddaa biroo of keessatti hammata.

Faallaa kanaa, namoonni tawbatanii, amananii, hojii gaggaarii hojjatanii fi haala ofii fooyyessanii dhufan Guyyaa Qiyaamaa adabbii irraa nagaha bahu:



â€œNamni toltuun dhufe, [minda] gaarii san caalutu isaaf jira. Isaanis rifannaa Guyyaa sanii irraa nagaha bahoodha.â€ Suuratu An-Naml 27:89

Toltuun hunda caalu iimaana sirrii taâ€™eedha. Ergasii hojiwwan dirqama fi jaallatamoo taâ€™aniidha. Kanaafu, namni iimaana sirrii qabaachun, ergasii hojii gaggaarii hojjachuun Guyyaa Qiyaamaa dhufe, wanta hojjate caalaa mindaan isaaf kennama. Warri iimaana qabu fi hojii gaggaarii hojjatan kunniin adabbii fi rifannaa Guyyaa Qiyaamaa irraa nagaha bahu.

Kanaafu, namni carraan tawbaa osoo isa jala hin darbin tawbachuu fi hojii gaggaarii hojjachuun addunyaa fi Aakhiratti adabbii cimaa jalaa bahuu dandaâ€™a. Akkasumas, kabaja fi gammachuu guddaa argata.

Kitaabban Wabii:

- [1] [Tafsiir Saâ€™diyyifuula 855](#)
- [2] [Maâ€™aariju at-tafkuri wa daqaaâ€™iqu at-tadabburil](#) 2/255 Abdurahman Habanka
- [3] [Maddoota armaan olii](#)

Date Created

March 14, 2019

Author

admin